



10. februar 2023

Siverth K. Heilmann

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

1. **Qanoq akulikitsigisumik napparsimaveqarfinni sulisussaaleqineq atuuttarpa sineriasinni? Kisitsisit pineqarusuttut tassaapput regionikaartumik napparsimaveqarfinni, nakorsiartarfinni, peqqinnissaqarfinnilu aalajangersimasumik nakorsaqarfiullutillu peqqissaasoqarfiusut. Kisitsisit qaammatikkaartumik ukiuni kingullerni pingasuni nakorsaqarfiusimanngitsut peqqissaasoqarfiusimanngitsullu kissaatigineqarput.**
2. **Innuttaasumut qanoq isumaqarpa sinerissami peqqinnissaqarfinni nakorsiartarfinnilu naammattunik nakorsaqarnanilu peqqissaasoqannginnera?**
3. **Peqqinnissaqarfinni, nakorsiartarfinnilu sulisussaaleqineq pillugu innuttaasut nakorsiarylartut ikiorneqanngitsoorlutik ajoraluartumik toqusqarneranik kinguneqartarpa?**
4. **Naalakkersuisut qanoq pilersaaruteqarpat sulisussaaleqineq pillugu inuit nakorsiarylartut angerlartiinnarneqartarnerat akiorniarlugu pitsanngorsaanissamut?**
5. **Naalakkersuisut ilisimavaat nunaqarfinni inuit qassit nakorsiarsimagaluarlutik ikiorneqarsinnaannginnertik pillugu saaffiginnissimagaluarlutik ajoraluartumik toquvik kinguneqarsimasarneranik?**
6. **Naalakkersuisut peqqinnissaq pillugu isumaliutissiissusiarsuup naammassinissaa suli utaqqimaaqqaarusuppaat iliuuseqannginnerminni? Ilisimagaluarlugu tungaanut inuit arlallit nakorsiartaraluarlutik inuunertik annaasarumaaraat.**
7. **Naalakkersisut massakkorpiaq qanoq iliuuseqarniarpat?**

(Inatsisartunut ilaasortaq Siverth K. Heilmann, Atassut)

Tunngavilersuut

Inuup inuunera tamani naleqarnerpaallunilu pingarnerpaavoq. Taamaammat paaserusunnarpooq suna utoqqatsissutigineqassanersoq. Inuup inuuneranik naleqartarnera arlaannik



utoqqatsissutissartaqarsinnaava? Immaqluunniit ”nalinginnaasunngorsimangaarmat” peqqinnissaqarfipput taamatut ingerlasoq, allaat akueriinnalersimallugu?

Tusartuartarpummi inuit napparsimallutik nakorsiartaraluarsimagaluarlutik sulisussaaeqinerooq pillugu angerlartitaasimallutik toqusimasut. Tusartuartalersimavarputtaaq inuit ikiorserneqarsinnaasimagaluarlutik ikiorserneqarsimannginnertik pillugu toqusimasut.

Inuup napparsimasup, nakorsiartaruartup isumaliutissiissusiarsuup naammassinissaa utaqqiinnarsinnaanngilaat. Massakkorpiaq iliuuseqartoqarasuarli!